



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 561 Usque Ad Annum 633

**Fleury, Claude**

**August. Vind. [u.a.], 1759**

**VD18 90117832**

§.19. Pratum spirituale.

---

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

## §. XIX.

*Pratum Spirituale.*Sæculum VII.  
A. C. 617.

Joannes Moschus relicta Alexandria in Insulam Cyprum & inde Samum navigavit, tandemque Romam cum Discipulis duodecim, quorum princeps erat Sophronius, attigit. Ibi composuit Librum suum, dictum Pratum Spirituale, quasi floribus stratum, nempe miraculis aut eximiarum virtutum exemplis, quæ in suis itineribus adnotaverat. Hæc inducenta & novendecim Capita dividuntur; sed in ordine magis materiæ, quam temporis ratio habetur. Ubique Auctores nominat, ex quorum ore ipse hæc facta didicerat, & a quibus ipsi accepissent. Stilus est simplex sed tamen acer & virilis. Facta ingenue refert, qualia narrari audivit; nullas addit Adnotationes, sed has faciendas Lectori relinquit. Omnia viam ad Perfectionem Christianam monstrant, omnia Pietatem spirant. Præterea leguntur aliqua, quæ Fidei Veritatem demonstrant, & qualis Ecclesiæ Disciplina fuerit, docent.

Joannes Abbas & Presbyter, postea Episcopus Cæsariensis, S. Spiritum hora Sacrificii in Altare descendente conspicere adsueverat. In quodam Pago Ciliciæ Presbyter degebat, cui eadem hæc Gratia concedebatur, nec adduci poterat,

*Prot. præsp.*  
*Phot. cod.*  
199. p. 120.

c. 27.

A. C. 617. c. 196. Sæculum VII rat, ut prius celebrandi initium faceret, quam S. Spiritum in Altare descendentem vidisset; hinc contra præcepta Canonum non nunquam usque ad horam nonam Missam differebat. In Syria extra Civitatem Apamiensem pueri, quibus gregum custodia commissa erat, coludentes Sacra Mysteria exhibere voluerunt. Grande saxum positum pro Altari fuit, unus ex illis, Verborum ad Oblationem pronuntiari solitorum gnarus Sacerdotem, & duo alii Diaconos agebant. Inde autem pueri has preces didicerant, quia in Ecclesia infantes proximi Altari stabant, primi post Clericos communicabant, & in quibusdam locis Sacerdotes Verba Consecrationis intelligibili voce pronuntiabant. Itaque pueri positis supra lapidem panibus, & vino in vase, omnia juxta consuetudinem Ecclesiæ peregerunt. Ecce vero! antequam panes frangerent, descendens ignis de Cælo non Oblationem modo, sed etiam ipsum lapidem consumsit, & pueris præterrore in terram collapsis altera demum die mens sensusque redierunt. Re ad Episcopum delata Monasterium in loco, quo Portentum visum fuerat, ædificavit, & in eo memoratos adolescentes educari iussit.

c. 197.

Haud procul Ægina in Cilicia duo Stylites unus Catholicus & alter Severianus

nus versabantur. Catholicus alterum Sæculum VII  
 rogavit, ut sibi Evcharistiam suæ Com- A.C. 617.  
 munionis mitteret, quam misit Severia-  
 nus gaudens; putabat enim se Catho-  
 licum ad Sectam suam pertraxisse. Catho-  
 licus acceptam Evcharistiam in ollam fer-  
 ventem immisit, ubi protinus soluta est.  
 Tum immisit Particulam Evcharistiæ Ca-  
 tholicæ, quæ statim refrigerante aqua  
 non solum integra permanit, sed ne qui-  
 dem immaduit. Vir quidam nomine Isi-  
 dorus, ex eadem Severianorum Secta,  
 cum uxorem suam Evcharistiam Catho-  
 licorum a muliere vicina accipientem de-  
 prehendisset, manus in uxoris fauces in-  
 jiciens, pavidam ad evomendam Particu-  
 lam adegit, quam projecit in lutum; sed  
 eam mox fulgur abstulit. Post biduum  
 objectus est ei Æthiops centonibus te-  
 ctus, qui ad eum dicebat: *Nos ambo ad  
 idem supplicium damnati sumus; ille ego  
 sum, qui Jesum Christum in maxilla per-  
 cussi.* Isidorus Monachum induit, &  
 quoad vixit, peccatum suum deflere non  
 cessavit. Ex his historiis saltem proba-  
 tur, quænam Joannis Moschi circa Ev-  
 charistiam fides fuerit.

Circa Baptismum mentionem facit  
 cujusdam S. Monachi in Palæstina, qui  
 cum esset Presbyter, eique Baptizandi  
 munus esset demandatum, adduci non  
 poterat, ut in foeminis unctiones con-  
 suetas

c. 20.

c. 3.

Sæculum VII suetas adhiberet. Unde videmus, Græcos jam illa ætate, quod hodieque observant, plures corporis partes unxisse; *Euchol. Acolouth. bapt. fol. 63.* nam ante Baptismum frontem, pectus, scapulas, aures, pedes, manusque baptizandi oleo unguunt, & post Baptismum fronti, oculis, naribus, ori, pectori, manibus, pedibusque Sacrum Chrisma adhibent.

c. 176.

Juvenibus decem in Deserto Palæstinæ iter facientibus, unus eorum Religione Judæus in via defecit, & auguratus, se statim moriturum, socios obtestabatur, ut sibi Baptismum conferrent. Tunc itineris comites dicere: *Laici sumus, & quod præcipue obstat, aquam non habemus.* Ipso nihilominus instantissime Baptismum petente unus eorum, cui nomen Philoponus, jussit ipsum vestibus exui & stantem sustineri; tum ter in caput ejus arenam infudit, formulam Baptismi juxta Græcorum Ritus pronuncians. Judæus protinus corporis sanitati restitutus est. Ubi Ascalonem pervenerunt, rem, ut contigerat, narra- runt Episcopo, qui convocatis Clericis Quæstionem maturo examini subjecit, an ratus habendus esset Baptismus, quem Deus sanitate huic homini prodigiöse concessa approbasse videbatur. In eam omnes sententiam iverunt, nullum in Sacra Scriptura aut in Patribus locum inve-  
niri,

niri, cujus Auctoritate ejusmodi Baptis-  
 mus validus credi posset. Itaque Episco-  
 pus Judæum ad Fluvium Jordanem mi-  
 sit, ibi baptizandum; Philoponum vero  
 Diaconum ordinavit. Ex alia narratio-  
 ne dispicitur, Patrinos se Baptismi Va-  
 des præbuisse, si baptizati erant homi-  
 nes ignoti, aut quorum Conversio su-  
 specta esse merebatur.

## §. XX.

*Joannis Moschi & S. Anastasii Si-  
 naitæ obitus.*

Joannes Moschus Pratum suum Spiritua-  
 le ad Carissimum sibi Discipulum So-  
 phronium direxit; hinc sub illius nomi-  
 ne citatur, estque verisimile, in hoc  
 opere non modicas Sophronii partes fuis-  
 se. Istud igitur amicitiae pignus Joan-  
 nes decedens ei reliquit, & in mandatis  
 dedit, ne corpus suum Romæ relinque-  
 ret, sed in arcula lignea abveheret, &  
 in monte Sinai cum Monachis illius loci  
 sepeliret. Si Barbarorum incursiones cor-  
 pus in locum tam remotum transferri non  
 permetterent, in Monasterio S. Theodo-  
 sii, ubi primo renunciaverat Sæculo, se  
 sepeliret. Jussa perfecit Sophronius, &  
 Roma cum undecim Joannis Discipulis  
 profectus, Ascalonem delatus est, ubi  
 fama accepit, viam ad montem Sinai  
 fervente Arabum Seditioe nullatenus  
 esse

Sæculum VI.  
A. C. 619.

c. 207.

Prolog.

*Hist. Eccles. Tom. VIII.*

X x

esse